


ЯКСТЕРЬ ГАЛСТУК



ЯКСТЕРЬ ГАЛСТУК

(Красный галстук)
ЖУРНАЛСЬ
Лисенди 7-це кизось

4-це №
АПРЕЛЬ
1939 к.

Пионеронь и школьниконь эрь
ковня лисенди журнал.
НОЛДАЙНЗА: ВЛКСМ-нь
Мордовский обкомсь и
МАССР-нь НКП-сь

Ответ. редакторсь Н. ТИШКИН
Лит. редакторсь А. ЧЕКАШКИН

НОМЕРСА СЬОРМАТФ:

Е. Яхнина, М. Зорин—Кри-Крись	1
В. Губарев—Отрядонь председателсь Морозов Павелсь	8
М. Хоменко—Карзи	13
Г. Ельмеев—Сталинтн	16
„ Джамбулти	—
А. Малькин—Шовдава	17
И. Девин—Сиде моронят	—
И. Кшняков—Садса	18
„ Цяцянят	19
А. Малькин—Панчса вальмязень	20
В. Лобанов—Сиде моронят	—
Содасак ли тон?	21



ЕВГЕНИЯ ЯХИНА
МИХАИЛ ЗОРИН

Кри-Крись

РАССКАЗ
1871к.

VII

Вете шида меле Дидье мадамть „Веселый Сверчок“ кафец ульсь мазыста наряжаф. Кри-Крись ульсь аф веселай. Веселай и жизнерадостнай цёранять тячи, кода на-рошна, ашезь кирдев эсь пряц. Мекольдень шинь визьксфтома ша-вондоматне, сембе ся, мезе нйсь нят шитнень пингста цёранясь, нинге сядя пяк кемокстазь сонь прызонза Коммунать сят счастли-вай шинзон, мзярда кажнайсь ма-рязе эсь прынц свободнай гражда-нинкс.

Дидье мадамсь апак шарьхкодть кепсесь лафтувонзон эса:—аф шарьхкодьса, мезе тиевсь цёранять мархта! Неужели скучендась кель-гома Жозеф батянцты, конац имась али бди шавф.

Кри-Крись срхкась куцемать ши-рес, конац вяти сонь коморказонза. Дидье мадамть вдрук мезе бди лядьсь мялезонза, лоткафтозе Кри-Крить.

— Сака сей, мон тейть мезевок азан.

Дидье мадамсь серьгадезе сонь суронц мархта, аердсь кафеть ич-козде уженцты, ваноze, што мала-са кивок аш и корхтазевсь.

— Кулхонт, мяляфтсак тон— Коммунать васенце шинзон пингста, мзярда „синь“ тевсна мольсть лац— „Сверчокть“ стенанза аф тяфта ульсь наряжафт, кода тяни,—Ди-дьесь гордость мархта ванць кафеть эзга.

—Кода ина, мяляфтса,—мярьгсь Кри-Крись.—Но тон напрасна арь-сят, што тя ватракшсь...—Кри-Крись кяжденза няфтезе сурса Тьерть пор-третонц,—мазепнесы минь кафене-конь.

— Тят болтанда глупость,—кя-жиясь хозяйкась.—Тонь мнения-чень аф кизефнесазь. Мон йоран азомс тейть илянь колга. Тяса мзяр-да-бди повфнефтольхть Дюшен Отецть плакатонза. Мон эстакиге шарьхкодень, што Коммунась ламос

аф эряви и йорайне синь плхтамс. Тон, кода и иля умникне, тяди ашеть веронда. Минь синь прдайнек эста тонь подвалозт, мяляфтсак?

— Кода аф мяляфтса?—Кри-Крить седиец марязе, што Дидье мадамсь тянь колга корхтай аф стак.

— Так вов, адька тонь подвалозт и керьмодтяма тя тевти. Эрявихть синь курокона машфтомс.

— Кри-Крись аф азомшка эводсь. — Мезе тон, мезе, мадам Дидье, тейть аф ярашты модемс подвалу.

— Тя мес тяфта? Ашеть думанда ли тон кодамовок каверза?

— Да аф, аф,—отвечась Кри-Крись?—Тон юкстайть крсатнень?!

Хозяйкась, конац куломшка пельсь крсада, эводсь, и Кри-Крись тя ёткова мярьгсь:

— Мон сем бонь сясва эсь лангозон. Тон аныцек тят яка подвалу, вов и сембе... А мон монць сембе плакаттнень лихнесайне, хотя, эряви азомс, Тьер господинць Дюшен Отецть образса сяда похож эстейнза, чем тя портретса.

Дидье авась йорась лац-ряц отвечамс цёранять пейнь пореманц каршес, но вдруг кие-бди чаказе кенкшть и шорясь тяди.

— Кие тоса нинге! — кяжиста мярьгсь сон.—Кинь нинге кандозь сей? Архт, Кри-Кри, панчк кенкшть.

Кри-Крись аф охотна мольсь кенкшти; сон оцю радостьса няезе Марить, эсь кельгома ялганц, панчфонь од мишендить.

— Мари! Конашкава цебярь, што тя тон. Шумбрат!

— Мезе кулеть Мадлэнть колга? — кизефтезе стирнясь, мзярда лиссь Дидьесь.

— Сонь колганза мезевок ашезь кулев... Тейне минутавок аш кода лисемстя проклятай кафеста. Нльне Дидье мадамсь сембе сонь про-

стойшинц мархта, арась стама подозрительнайкс, што сави эздонза пелемс. Тейне ош кода лишнайксть модемс Жозефти.

— Кда ба содалить, Мари,—корхтазевсь Кри-Крись,—мон долженан мяньцевомс нят палачнень инголе, забавляндакшнемс синь. Мадамсь веши, штоба мон морселень тейст моронят. А прясон монь аныцек фкя мяль: кода ванфтомс Жозеф батязень.

Дидье мадамть пилес сувай вайгялец:—Кри-Кри, пинге ни панжемс кафеть,—лоткафтозе синь корхтамаснон.

Кри-Крись панжезе кенкшть, и кафесть курокта кармась пяшькодема посетительда, конатнень йоткта ньевсть версальская офицерхне. Столнятне курокта ульсть заняфт. Кри-Крись примсесь закаст, проворнаста ласькондемок шранятнень ёткова. Вдрук сон лоткась, кирдемок кядьсонза бутылка мархта подносонц, сон кулхцондсь, варжакснесь сембе шири.

— Гарсон, дай бутылка содовой,—марявьсь авань вайгяль. Кри-Крись комотсь шранять вакс, коса ащесь цебярьста наряжаф вуальса вельхтяф ава. Сонь шелковой блузкасонза ульсь валда-якстерь гвоздика. Дамать приятнай вайгялец цёраняти кулевсь содафокс.

— Тон анать содовой, мадемуазель?—сятивняста кизефтезе Кри-Крись.

— Пожалоста, да сяда кельмоня. Седиец Кри-Крить тянь эзда тотназевсь.—Неужели... Аф, аш коста улемс...

— Мадлэн! Тя тон! Тясат? Тон живут? Кодама счастья!

Но Мадлэн, шамань апак полафтт салаване и сидеста корхтазевсь:

— Минь тонь мархгот аф знакомайтяма, Кри-Кри. Мзярдонга

ашеме васетькшне. Тя важнай, пяк важнай, минь тевоньконь инкса, Жозефть инкса.

Мадлэнти ашезь сав нинге весть азомс сяка валонзон. Хоть Кри-Крись и ашезь шарьхкодь кода сон тихтедсь тязя, но шарьхкодсь, што сон тяза ащи аф стак, и сонь кафеса ащемац сотф Жозеф батянец мархта. Максомок кельгома поклон, Кри-Крись эстакиге тага арась меки официальной подавальщикокс и ласьксь омбоце шраняти. Сон пяк йорась содамс Мадлэнтъ планонзон, корхтамс Жозеф батянец колга, арьсемс, кода улемс сонь мархтонза, но сон шарьхкодезе, што тyani аф пинге. Кри-Крись кенкшть ваксса няйсь од посетительи эрязста нежедсь малазонза.

— Гражданин, тон вешендят шраня? Пожалуйте! Тязя шава. Ванфс, фигурас и шамас коря Кри-Крись шарьхкодсь, што посетительсь иностранец. Сонь лангсонза ульсь цебярь сенем костюм, прясонза лац ащесь пиндолды аф сери цилиндр. Наверна, тя ульсь иностранной сят купецнень эзда фкясь, конада Парижть сембе мирть эзда аерфтомдонза меле тязя эрь шиня иляткшнесь кржа и кржа. Иностранецсь оцю беспокойства мархта ванондсь ширьге и кинь-бди вешендсь. Кри-Критъ мялецоль няфтемс Мадлэнти, што сон машты эсь прянец кирдемонза и цебярьста пшкотькшнесыне эсь обязанностензон, усердна кармась иностранецть мархта корхнема:

— Тязя тейть сембось пяк цебярьста няеви. Курок сайхть музыкантне, тязя лац кулевихть синь морамасна. Кеветие минутада меле ушеды программась. А снярс, мезе тейнтъ кандома?

— Вискат и содат, — люкштыдезе

прянец иностранецсь. Сон озась ся стулть лангс, конанц тейнза путозе Кри-Крись, но сон минутада меле стясь, озась лия стул лангс и шаманц шарфтозе кенкшть ширес.

— Ишь, кодама чорт! Ашезь ту мялезонза, озась иляс! — думандась Кри-Крись.

Аф содафсь серьгадезе сонь сурса, штоба цёранясь шаштоль сяда малазонза.

— Азк, цёрай, — тошказевсь сон Кри-Критъ видеста пилезонза, — тязя ашезь сашенда ава оцю мазы панчф мархта, гвоздика тинь лацонт мярьгихть.

Кри-Критъ ронгоц эшелхт мольсь: — Неужели тявок шпион! Сон, значит, няезе Мадлэнтъ. Тейнза содаф, што Мадлэнтъ мяштьса гвоздика. Сон тязя, штоба сонь фатямс.

— Кри-Кри, тязя! — кярозе кожфть Дидье мадамть вайгялец и аерфтозе цёранять талмаскатф мяльхнень эзда.

— Мон тейть закажу сода мархта вискат, — отвечась сон иностранецти, и... вешса гвоздика мархта дамать.

Кри-Критъ нинге ашель точнай планоц и ласьксь хозяйкати. Шаштомс эстакиге англичанть эзда Мадлэнти, тя значит содафтомс сонь, но таргсемс тевть — тяфта-жа ашель кода... И вдрук сонь кенярьфгезе счастливой мысля. Кальдявста кулхцондомок хозяйкать указоваманзон, Кри-Крись комотсь Марити, конац аф смелста мишендсь, „Веселый Сверчокъ“ инжиензонды панчф букеткат. Курокста пцтай эряскадозь, пелемок имафтомс хоть фкя минута, сон мярьгсь Марити:

— Мадлэн шиса, сон тязя, но тейнза грязяй опасность. Сонь вешендсы шпион, конац прянец лувондсы иностранецокс. Аде! Катк

кептернячень тяза. Мон сонь мельганза ванан.—Нят валхнень мархта Кри-Крись путозе уженяти Марить кептернянц, таргась сонь эздонза оцю гвоздика и щафтозе сонь стирнять кружвань воротникозонза.

— Аде, аде, мон тейть семольде сембонь азондса.

Марись, конац фалу верондакшнелъ эсь кельгома ялганцты, апак корхтак тусь сонь мельганза. Шранятне ульсть сембе заняфт, и Кри-Крись вихца ётнесь синь йотковаст, аропнемок ки Марити.

—Тейть мезьянвок аф ули, малютка—нинге вестъ мярьгсь сон, мзярда нязе стирнять серьёзнайста ащи шаманц.

—Аньцек Мадлэнти максомс пинге ворягодемс тяста. Тянь мон сясась лангозон.—Мари шарьхкодезе сонь и люкштядезе прянц. Вятюмок Марить англичанинтъ шранянц ваксс, Кри-Крись прянь люкштядезь няфтезе стирнять.

— Вов, мосье, гвоздика мархта дамась, конанц тон учсеть. Пожалуста,—шашфтсь Марить ваксс стул и мярьгсь стирняти:



— Озак, мадемуазель.

Иностранецсь вежливайста стясь и сюконясь Марить мархта. Кри-Крись решил, што сась пинге азомс опасностть колга ладта Мадлэнти. Сон кадозе Марить, корхтамок эсь пачканза: —Марись вдь ёфси аф опытной. Тейнза аф кирдеви ламос иностранецсь.

Мадлэнти молемста Кри-Критъ сельмозонза повсь Марить панчф мархта кептернянц. И эстакиге сон шарьхкодезе, што бедаста ули кода лисемс. Мадлэнцъ может аф пелемс. Кри-Критъ кядьса спасениянь средства. Сон таргась кептерняста якстеръ гвоздикань пучоконя и сельгонъ прамс сязезе сотксть. Йотнемок шраняста шраняс, сон лотксесь сятнень малас, конатнень ваксса ащестъ дамат, и весяласта пшкятъкшнезь, венепнесь тейст якстеръ гвоздиканят:

—Тячиень илядьтъ ознаменовандаманц инкса, „Веселый Сверчок“ кафесь эняльди тейть сявомс лятф-нема пяленди тя панчфкятъ.

Ашезь ёта вете минуташка, кода, Кри-Критъ оцю радостенцты, сембе даматне фкянянь пес, ульсть наряжафт якстеръ панчфса. Дидьеть коданга ашезь кирдефт кенярдемац. Сон ульсь пяк кеняртьф, мзярда нязе, конашкава цебярьгадсь кафе-сонза тевсь и кода тянди лезды Кри-Крись.

— Молодецат, Кри-Кри! Конашкава тон шарьхкодят. Мон ба коданга афолень шарьхкодь!

Тянь каршес ответонди Кри-Крись венептсь гвоздика Дидье мадамтиге, ненавистнайста кяшюмок панчфса хозяйкать мяштьста колма цветса архтф кокардать. Сон ласьксь Мадлэнти и тошкась:

— Тонь вешентянза кодама-бди сыщик. Тейть тяста тумс эряви.

— Мезе тон корхтат? Мезе?



Но Кри-Крись ульсь ни ичкозе. Сон решил кулхцондомс, кода моли тевоц Марить англичанть мархта. Сон кенерсь эсь пингстонза. Корхтамасна, кода няевсь, ашезь ладсев. Англичанинць мярьгондсь:

— Тячи пяк пси ушесь, м-ль. Мес тон аф симат?

Мари йофси ашезь машта кувалгафнемс корхнемать. Талмаскадомать сюнеда сон ашезе сода месьть тиендемс и суронзон мархта капшась панчф лопанятнень. Англичанинць движениянц примазе условнай знаккс, путозе кяденц Марить стулонц фталу и мярьгсь:

— Монь кучемань Маркс господинць, шарьхкодеть?

Марись мезнявок ашезь шарьхкодь.

— Ся нинге кодама стама Маркс!— Аш, тяфтама беседати нльне сонць Кри-Крись апак аноклаколь. И сон тусь Мадлэнт шранянц ваксс.

— Тон нинге ашеть ту,—эводезь мярьгсь тейнза.—А тейть сяда ку-

роконя эряви тумс. И гвоздикать валхтк. Хотя и мон наряжайне панчфса сембе даматнень, но шпионць пяк ёжу. Мзярдовок тяфтама ашень васьфне. Дай тейнза гвоздика мархта дамасть, и сембе. Да нинге думандась кодама-оди Маркс.

— Кода тон азыть? Маркс!— Мадлэнць волновандазь эстакиге комотсь вастстонза.

— Ну, да, Маркс, но тят пель, минь Марить мархта ашеме эводь.

— Мезе тон тиеть, Кри-Кри, вдь тя аф шпион. Тя англичанинць лезды тейнек вантфтомс Жозефть. Сяда курокона ласькк тейнза, азк, што панчф мархта дамась, конац тейнза эряви, учи сонь эсонза кафеть кенкш лангса.

— Тят пель,—смущеннайста корхтась Кри-Крись.—Мон маштан петнемост эсь эльбятьксонень! А сембе сяка тейне эряви содамс кие стамсь Маркссь?

Мадлэнць ужальдезь ванць цёранять лангс.

— Бедняжка, Кри-Кри, тон аф содасак, кие стамсь Маркс! Тяни аш пинге, но мзярдовок азондса... А тяни, тяни курокона няемс ся ломанть мархта, конань сон кучезе. Получак монь кядьстон, мзяра сави, нарошна кайгиста прибавазе сон.

— Пожалуйста, м-ль,—мярьгсь тейнза Кри-Крись, и мельганза кельгозьне ивадсь—эняльдтяма аф юкснемс минь кафеньконь...

Тяни Кри-Крити эрявсь петемс англичанинть мархта историять; но тя пяк ашезе беспокоинда сонь. Сон мольсь англичанинть ваксс, макссь Марити кяденц мархта знак, што может тумс, ков мялец и мярьгсь:

— Гражданин, настоящей дамась, настоящей панчф мархта дамась,



учи тонь эсот кафе кенкшть лангса.

Англичанинць эстакиге шарьхко-
дезень Кри-Крить валонзон. Сяда
курок пандозень ярмакнень, мзяра
сонь кядьстонза савсь, кеподезе
цилиндранц и мярьгсь.

— До свидания, мисс.

Марись тѣждяста таргазе вай-
монц: Вов чудаксь! И кодама
нинге Маркс эрявктсь!

Кри-Крись кельгозь варжактсь
Марить лангс, Сон лац марязе Ма-
рить лангсонза эсь превосходст-
ванц, старандамок корхтамс Мад-
лэнтъ лаца, сон мярьгсь:

— Беднай Мари! Тон аф сода-
сак, кие Маркс? Тяни аф пингено
мзярдовок... мон тейть азондса..
Тяни содак фкя: Жозеф ули ванфтф!
Кодама всетаки цебарь эряфсь!

* * *

Омбоце шовдаване, мзярда ка-
фети сась Марись и Мадлэнтъ эзда
Жозефти кандсь пакет, Кри-Крись
ни пцтай сембонь шарьхкодезень.
Тяни сон содазе, што Интерна-
циональт Генеральной Советоц

Лондонца и Маркс, сонь организа-
тороц, тевса лезды коммунархнеди
ѣтамс нелегалнай положенияс и
ворьгодемс иля странас сянкса,
штоба ванфтомс борецнень сяда то-
волдонь движенияи сянкса, штоба
тиемс подходящай условият про-
летариатт од тюреманцты.

Инь надежной и вернай доку-
ментокс сянди, штоба мянемс Фран-
цияста иля странас, ульсь кодама-
вок иностранецонь паспортсь. И
Маркс сонць заботендась паспорт-
тнень колга, кучсезень синь содаф
купецнень вельде.

Ся Маркссь, конань колга Кри-
Крись тя пингс мезевок ашезь сода,
тяни тейнза арам пяк лацсодасы и те-
енза арась инь маластонь ломанькс.
Сонь эздонза мольсь спасениясь
Жозефти и Мадлэнти. Конашкава
касф мяльса Кри-Крись ванць за-
граничной паспортть лангс, конац
кучфоль сонцень „Маркс госпо-
динть“ ширде:

Сась ся частсь, мзярда Кри-Крити
савсь аердомс Жозефть эзда. Сон

жаднайста кулхцондсь Жозеф ба-
тянц валонзон. Цёраньсь эряска-
фтозе сонь, макссемок тейнза
лама кизефкст... Сон йоразень со-
дамс сембонь сразу, Жозеф ласко-
вайста лоткафтозе Кри-Критъ.

— Ащек, Шарло, тят эряскад.
Тят учсе монь эздон ответт кизеф-
кснень каршес. Современникненди
фалу эряй сята трудна кирдемс ся
событиятнень колга корхтаматнень,
конатнень эса синць ульсть уча-
стникокс. Но кой-мезе мон всетаки
тейть азан.

— Да, дружок, лама шумода минь
лангсонк, коммунань члеттнень
лангса, сонь имаманц инкса. Минь
ашеме ёра токамс государственнай
банкть сокровищанзон. Минь пяк
ни церемонендакшнеме буржуй-
хнень мархта... Шпиоттнень минь
ужальдеме. Минь ашель сатомшка
решительностеньке. Минь пелеме
наступлениять эзда, мезень колга

пьяк мярьгондсь Маркс и сонь кель-
гома ялгац—Энгельс. Мон кирдень
синь мяльсон, но улень пяк ни
слабай. Монь вайгялезе ашезь ку-
лев.. Вяре тихтедсть сят, кит вешть
аньцек сянь, штоба араламс пря.
А тянь использовандазе Тьер. Да,
Маркс гениальной ломань,—сон
содазе и няйсь лама инголькиге.
Минь ашеськ кулхцонкшне эсь
пингстост сонь валонзон. И вов
результаттне! Коммунась тапаф.
Мзяра жертвада! Но минь тевоньке,
ашезь има стак: модась, конац
симтьф минь ялганьконь верснон
мархта, максы эряф од борецненди.
Синь кядьсна кирьдсазь минь зна-
мяньконь. Тон павазуват, тон эрят
ся пингть самс, мзярда Франциясь,
а пади иля страна, пачфтьсы педа-
пес сянь, мезе ашезь тиев тейнек.
Мувихть ломатть, а пади, ломань,
конац арай пролетариатти насто-
ящай вождекс, конац прядсы сянь,
мезе аньцек ушедоме минь.

(Пец. Ушетксони ванк 3-це №)



СНИМКАСА: Саранск ошень ДТС-нь радиокужонь члетце Карташев Ваяньс (кяржи
ширеса) и Медников Анатолийс кочкайхть радиоприемникть.

Фотось Сидорочевъ.

Отрядонь председателсь Морозов Павелсь

Шобдаса Павел приметась орта-ти малаткшни фигура. Сон эстаки-ге шарьхкодсь, кие тя сери, кели лафту, аф пяк ширемкшни фкя пиль-гонц лангс, ломанць. Цьоранять се-диец канзедезь тотназевсь:—тага алязьти моли кубанецсь!

Павелсь кирендезде сядазонц и озась заборть ваксс. Сонь ваксан-за пелезь, ширге ванондозь сала-ваня нулхтадсь калиткав храмойсь.

Тоса цьоранясь марязень кры-лець цяторфонц и алянц аф шарьх-кодеви вайгяленц. Тяда меле шум-назь хлопадсь кенкшсь.

Минуташка Павелсь ащесь ки-рендьфста. Кода тиемс? Кинди азомс, што кудозонк алязьти якай кулак, сятнень эзда фкясь, конат-нень йотафтозь сей, Уралть север ширезонза сяс, мес синь вятсь вредительства колхознень каршес.

Местеме сон якай? Может эря-ви? Мес алязе сидеста илять куч-селемазь сембонь атязень шири пялге и лядондсь куду ськамонза?

Вдрук цьоранясь решительнай-ста сускозе трванц и тусь ласькозь крылецти.

Шобдаса уфась вишке вармась. Вишкста и глухойста урокодсь аф ичкозе ащи тайгась. Аф лама оцю каплянят прасть цьоранять шаманц лангс. Ушеткшнесь пизем.

Старандась аф тарксемс вай-монц, саворне йорась панжемс кен-кшть, но вармась нельгозе сонь кядьстонза кенкшть и дуборфса панжевсь. Арьсемс сяда ламос ашель кода фкя секунда.

Ряцок кенкшть мархта ульсь

пьянаклангсь, коса фалу Павелсь удсесь брадонзон мархта. И тани сон привычнайста тьождяста ко-мотсь пьянаклангс и кирендездь мадсь, старандась улемс кода можна йомланякс и аф няевикс.

Вармась стукиесь кенкшть.

— Кие тоса?—марязе Павелсь ку-банецть эвотьф вайгяленц. Тоса марявсть алянц аф кеме стака ась-колксонза.

— „Танга иредста“—Арьсесь цьо-ранясь. Аляц варжакстсь перьф-пьялге и хлопадезе кенкшть.

— Вармась,—кашкомфста корх-тась сон и мрдась шрать ваксс.

— Вов бурясь!—куфкстсь куба-нецсь.

— Кода жа, Трофим Степаныч? Аляц аф ламос учсь.

— Кржа макссетяда... Сявить нят кафта каготкятнень. Ватт, сей фа-милиятнень сьормадсаенть тинць.

— Аньцек кафта?


— Мзярда илядыкс ярмакнень макссайт, эста нинге получаата.

— Ну добре,—стясь кубанецсь. Ульхть шумбраня, Трофим Степаныч!

...Кеветиешка минутада меле цьо-ранясь салаване нолдазень кияксу пильгонзон и пелезь ванць пья-кудть фталда.

Аляц венемфста удось кроватть лан-гса и крнась. Кургоц сонь ульсь панжада, усасонза ульсть кши па-морькскат. Павел марязе вина ши-неть.

Сонь тотнась седиец. Пильге сур пря лангса шаштсь сон шрати, ко-са ащесь алянц котфонь портфе-лец, и ванць потмозонза.



Вов! Лама аф оцю тетрадень листкат... Эрь листкаса ульсь съор-матф:

„Удостоверение

Даносие гр. деревни Герасимовка, Тавуинского района, Уральской области в том, что он по своему желанию уезжает с места жительства. Задолжности перед государством не имеет, по социальному положению—бедняк.

Подписью и приложением печати вышеуказанное удостоверяется.

Председатель сельсовета.

Т. Морозов“.

Павелсь ащесь фкя вастса. Сонь вачкадсь улоц. Сембе шарьхкоть ф: ня удостоверениятнень алязе ми-шенъдсыне сосланнай вракненд и

Цьораньсь вдрук кайгиста лет-нязевсь, портфельсь шумса прась кияксу. Аляц кеподезе пряиц и сял-гозень мутнай, аф шарьхкоди сель-монзон цьоранять лангс.

— А?

Павелсь люпштазе кядьсонза листкять и тусь ласькозь пирьфи.

Трофимсь комотсь, няезе киякс-ста портфеленц. Эводемать эзда сонь шамац арась илякс.

— Пашка! Пашка! Лоткак, под-лец! Пашка-а!..

Фкя аськолксонь комотемаса сон лийсь пороги, пыльгса тутмадезе кенкшть и ламос ласькондсь пиземть ала...

— Паша!.. Паша-а!.. цьораняй! Родимай! Тямак губинда.

* * *

Тяда меле ульсь суд. Сась сембе Герасимовка веленясь. Инголе йоф-си шрать ваксса ащесь якстерь галстукса цьоранянь группа. Тя ульсь герасимовский пионеронь отрядсь. Фкясь свидетельхнень йотк-ста ульсь пионерский отрядонь председателсь. Сон пяк волнован-

дась и, штоба аф аварьгодомс, веронь тумс сускондозе трванц.

— Судья щеняй,—мярьгсь сон,—мон тyani корхтан аф кода алязень цьорац, а кода пионер... Мон, судья щеняй, разоблачил эсь алязень, сяс мес сон советский властть врагоц и предателец...

Морозов Трофимть судендазь ке-монь кизонь пингс пякстамс.

... Ульсь илядь. Татьянась иден-зон мархта ащесь кудса. Аф цебярь арьсематне тревожазь сонь: кода эрямс мирьдфтема? Ниле иденза, фкясь омбоцеда йомла, Паша, Фе-дя, Алеша, Рома... кода синь трямс и шамс?

Панжевсь кенкшсь. Тя Павликть гедянцты Татьянати сась Серега атясь —Трофимть аляц. Сон эрясь ряцок синь мархтост эсь кудсонза. Марса Серегать мархта сась Павликть 19 кизоса двоюроднай брадоц Данилсь. Данилсь идькс пингстон-закиге воспитандакшневь атяиц ширеса.

— Атяй!—кенярьтьфста пшкядсь Павелсь и ласьксь атяиц каршес. Сон ульсь Серегать кельговикс уно-коц. Но тyani атяц нльне ащезь вар-жакста цьоранять лангс. Сон ащесь кенкш порогть ваксса и сонь аф ламода коньф сельмонзон эса няевсь оцю кяж.

— Атяй!..—эвотьфста мярьгсь цьо-ранясь и потась меки.

Атяиц копоренц фталда няевсь Данилть тьяиняня шамац. Сон са-вор корхтась:

— Алянть предательть мархта аф корхтатама!:

— Татьяна, —кашкомф вайгяль-са мярьгсь атяц.—Тyani тонь азор-це аш. Мон старшайкс илядонь, мон улян азоркс. Марясак? Эряви минь хозяйстваньконь шовордамс.

Татьянась тревога мархта вар-жакстсь цьоранц лангс. Павелти

ульсь сембоц 13 киза, но тейнза сон верондась. Ламоксть сон шовда илятнень пингста копилкань валдса лувонкшнесь тейнза газетат, азонкшнесь колхозть колга, конашкава колхозса цебярь эряфсь. Но мзярда кармай улема тя колхозсь? Мезе азомс атяти? Шоворемс—тя значит батрачендамс тейнза. Сембе велесь содасы, кодама живодер Серегась.

— Ну? —атясь учсь.

— Тядяняй! —вдрук кайгиста ювадсь Павелсь.—Тят шоворькшне! Курок велеса кармай улема колхоз!

Татьянась шерьфтезе прянц цюфранянц каршес и саворста мярьгсь.

— Тейнза сядя няеви...

Атяти стака ульсь корхтамс, сяшкава кяжи ульсь сон:

— Вачеда здохаттяда!—и лиссь Данилсь, шуказе клоконц, грязязе Павелть:

— Алянть предатель! Учт, пионер, минь нинге сязьсаськ пряцень!.

* * *

Герасимовкась—веленясь йомлання. Перьфпяльге тайга и болота, машинакити 50 километрат. Народсь веленяса, а сембода пяк аватне, ульсь шкайнди верондай, сьормас кржа содай. Врагсь нолдась веленять эзга куля, што сембе пионерхнень сясвась войнас. Тядя меле пцтай сембе аватне афолезь нолне идьснон отряду. Илядсь эзонза аныцек 11 пионер.

Нят ульсть инь цебярь, инь эрек герасимовский школьникне. Синь дружнайста работасть. Павелсь маштоль пяк всякайнь арьсема. Кда праздник шиня иттне срхксесь походс—вири, эрьхке лангс—значит тянь сон арьсезе.

■ Ся шиста сявомок, мзярда арестовандазь алянц, Павелсь арась ся-

да аф корхтайкс и фалу мезе-бди арьсесь, мярьгат сразу кассь. Да, тяни сон семьясост ульсь инь оцюсь. Сон пяк лезнелъ тядянцты хозяйстваса, яксесь йомла братканзон мельге и ингольцекс аккуратнайста яксекшнесь пионерский сборхенди. Нинге сядя пяк кармасть пионерхне кельгомонза эсь председателсьнон.

Малаткшнесь сёксесь. Пионерхне сьорматкшнестъ хлебозаготовать колга лозункт и плакатт. Койкона ортатненди синь петфнестъ сире газетат, конатнень эса черниласа сьорматкшнефоль: „Тяса эряй сёронъ кяшенди“.

Павелсь содазе, што Кулакановсь лувондовсь фкя инь козя герасимовский кулакокс—кяшезе кшинц ямас. Отрядсь тянь колга пачфтсь куля велень совету. Омбоце шиня Павелсь няезе заборть фталда, кода атяц кяшезень латалонза Кулакановть вещанзон. Мезенди кяшендемс паршить суседонъ шири? Значит пели, што сонъ раскулачендасазь.

Омбоце шиня Серега атятъ пирьфсонза милициясь тись обыск.

Поздна веть Кулакановсь сась отрядти.

— Мезе тиємс?—лажназь пшкядсь сон

— Сонь сельмонзон эзда ковонга аф кяшеват!.. Атясь вдрук комотсь вастстонза а ивадсь:

— Шавса!

Ксения бабась апак корхтак озондсь. Кулакановсь саворгофтозе вайгяленц, шарфтсь Данилти.

— А виде, ваномс мельганза и раз! Питниста пандан, Данила... Эняльдян, тийхть милость...

* * *

Сёксесь золотойгофнезе тайгать. Ащестъ сетьме, мани шит. Болотаса

кенерсь клюквась, кяскавса и кептерняса ламонест яксесь ягдас.

Обедшкада Серега атять шири лякозь ласьксь Данилась.

— Тусь болота в!.. Клюкванкса...

Атясь стясь, якась киякс кувалма, тошказь корхтась мезе бди кувака и аф шарьхкодеви.

— Ксения, — тошказь — корхтась сон, — дай тейне сонь...

— Мезе? — ашезь шарьхкодь бабанясь.

— Пеельть.

И, аф учсемок, сонць таргазе шкайхнень фталда пеельть и венептезе Данилти:

— С богом!

Данилсь порсь пейнзон:

— Атяй, сон аф ськамонза... брадонц мархта...

— Кинь мархта?

— Федькать...

— Кафцькось! Архт, корхтайхть тейть! Лоткак! Монга молян мархтот.

* * *

Тяфта шавфт герой пионерсь Павлик Морозовсь и сонь кафкса кизоса брадоц Федясь. Народонь врачень ты страшнай преступления сон колга кулясь курокста пачкодсь сембе Советский Союзть эзга. Аф лама

шида шавомдост меле тейне савсь модемс Герасимовка в. Шавихне — Кулакановсь, Серегась, Данилсь и Ксениясь — ульсть ни арестовандафт. Синць велеряхне кундазь и вятезь районнай центрав. Курокста пролетарский судсь судендазень синь ляцемс.

Павликть инь цебярь ялгац Юдов Яшась вятемань монь вири. Фкя аф оцю луганьяса, конац ацаф тюжя лопаса, минь кочксеме пяррьф ягдат.

— Ватт, — савор вайгяльхть мяргсь Яшась и шарфтозе шири шаманц, — тьса синь шавозь.

Минь ламос аще ме апак корхтак. Тоса сон мяргсь:

— Паша ульсь... пионер! Шарьхкодят, аф проста пионер, а... пионер... настоящей .. мон сембе эсь эряфозень пингста старандан улемс сонь лацонза.

Тянь колга сьорматкшнесть „Пионерский правда“ и „Колхозные ребята“ газетатненди сембе Советский Союзста. Синь мяльсна ульсь улемс стамкс, кода Павлик Морозовсь. Кода Павликсь, ненавидеть врачень, кода Павликсь, кельгомс Ленинонь — Сталинонь великай тевсон и тюремс сонь инксонза.

Виталий Губарев.

Карзи

(Рассказ)

Романць п'як ванфтозе эсь карзиенц и макссезе морамс аныцек школьнай ялганцты Сашати, но эрь максомста корхнесь тейнза:

— Ватт, т'як нарда канифольты!

Сашась ванфтозь сявондезе кядезонза инструментть, сюдерязе лаккок пиндолды шуфтть, валомня токсезень струнатнень, весяласта ванфтозень голубой сельмонзон и кулхцондсь.

— Сяда цебярь гармошкаты коряска, мярьгсь сон, мзярда васенда кульсь карзить чудеснай вайгялензон. Оцю похвала учемс ульсь трудна—веленяса самодельнай свире-

льса кивок ашезь машта сяшкава цебярьста морама, кода колхознай постуфсь Ермошкась.

Романць лама киза ни тонафнесь музыкати Иван Игнатьевичть—школьной учительть ширеса. Васенце пингсь ульсь трудна, но аляц кепсезе мяленц:

„Тонафнек, — сидеста корхнесь сон цёранцты,—молят консерваторияв“.

* * *

Велень ульцятнень эзга, конат кашт ашесть моль кизонь псить эзда, Романць мольсь музыкань учительти. Равжа тёждяня футлярса сон кандсь эсь карзиенц.

Цебярь ба улель тяни сувамс ляи, эшлямс кельме ведняса, асядонга цебярь ащемс штурвальной шарыть ваксса комбайнать лангса и кулхцондомс, кода шумнай сёрось, кода увной машинась. Мзярдовок, мзярда сон арай настоящей музыкантокс, сон сёрмады симфония паксятнень, коласнень колга, конат морайхть п'як мазы мора...

Романть мяленц шарфтозе Колдобин колхозникть кудоц. Кудть панжада вальмаванза лиссь туста качам. Романць ласьксь сяда малати, но мезевок ашезь н'яй. Эста сон ряф-



цодозе кенкшть—кенкшсь ашезь панжев.

Мезе тиймс? Цёрась куроқта арьсесь: сяда келиста панжемс вальмять и комотемс вальме лангс.

— Кие тьса?—ивадсь сон, ляпиякшнемок качамть эзда. Кивок ашезь пшкядь. Романць шупазь нежедсь кенкшть малас. Эряволь куроқта прафтомс кенкш пькстамать, но кядь сонза ульсь карзиец. Цёранясь ванфтозь путозе сонь кияксу, куроқта панжезе кенкшть, эрызста лиссь ульцяв, жаднайста нильсь кожфта — и танга куду. Тяни сон кроватть лангста мусь кинь-бди кяденц. Вийфгема, цють кулеви вайгяль тошказевсь:

— Ванюш!..


Романць шарьхкодсь: Колдобин атьсь тернесь уноконц. Но коста вешендемс? Пянаклангста, кроватть алда? И вов шрать алда шупазь мусь идь и лихтезе ульцяв.

Кода сон лихтезе аять, коста лиссь сняра вийсь, кивок аф содасы, аныцек сей ласькф ломаттне музь синь юрнай кудть вакста колмицьконь боком ащезь, синь ульсть бта кулот.

* * *

Мзярда Романть састь разомонза, васенцесь, мезе лядсь сонь мялезонза, ульсь карзиец. Сон ёрась ёрдамда пря палы куду, но толсь фатязе ни кудть сембе ширде. Ломаттне ласькондсть сей-тов, каннесть шочкт, вещат. Колхознай бригадирсь Кузьма Михеевичсь, сон жа пожарной дружинань начальниксь, макссесь, оржа нюрьхкяня приказанят.

Ниле цёрат дружнаста качандасть пожарной машинать, кувака рукавти айдясть ведь. Ведь шудерксясь пиндолды кинжалкс вешкозь и кяжиста тжназь сувась толть пот-



мос, кярсезе сонь пакшень-пакш, глушиндакшнезе...

Суетиндай ломаттнень ёткса ськамонза алу нолдаф прят ащесь Романць. Сон ванць аныцек ся вастти, кода тьада инголе ульсь куд кенкшсь, а тяни тоса порядкаптома ащесть седи шочкт. Цёранясь ашезь кирде и кайгиста урокодозевсь. Бригадирсь Кузьма Михеевичсь сонь ваксканза ётамстонза шарфтсь тейнза.

— Тон мес?—кизефтезе сон.

— Или ужяль кивок? Сембе ломаттнень идезень...

— Тоса... Тоса карзие, —сельме ведензон нардама ёткова отвечась цёранясь. Бригадирсь кати шутендазь, кати серьёзна мярьгсь эсьтейнза „голова“ и эрызста тусь. Коймзяра минутада меле сон мрдась меки, кядьсонза кирдсь Романонди знакомай равжа футляр.

— Тонь?—кизефтезе сон, и яснай мзелдомась валдоптозе сакалу ша-

мать,—мон мзярда врьгатень кудын-голи, васендакиге муйне сонь...

Романць фатязе карзить, люпш-тазе мяштезонза, сельмонза сонь ванць весеяласта.

— Ну, мес жа аф корхтат, пади аф тонь?—Хитрайста ванондсь цёранять лангс и мярьгсь Кузьма Михеевичсь. Сяда меле арьсезь танга корхтась:—Молодецат, цёра! Ломанць сонь эздонза лиси вов кодама!

Штоба кемокстамс эсь валонзон, сон кеподезе вярй кяденц, аф ламос кирдезе сонь, танга весть варжактсь Романть лангс и тусь пожарной машинать малас цёратненди азомонза, штоба лоткальхть ведень качандамда: пожарть матозь.

* * *

Кемоста кирдемок карзи мархта футлярть, Романць эрызста тусь Колдобиттнень кудснон ваксста, ломат-

тнень ваксста, конат нинге суетиндасть пожарть маласа. Молебачк лихтезе футлярста карзить. Ашезь кирде—а вдруг сон лоткась кайгомда кода инголи.

Тусь сяда тов. Мзярда ашесть няев ломаттне, Романць путозе нарнять лангс футлярть, кеподезе улалонза карзить, смычоксь токась струнатненди.

И вов шудезевсь сембе ширьге морось... Аф, аф мора—тя кайгсть пайгонят, вярй менельса морасть жаворонкат, люборьфтемок пацяснон...

И ков сяда ламос морась од музыкантсь, тов сяда увереннайста якась смычкась, сяда вишкста шашнесть шуваня суронза струнатнень ланга, музыкась ичкози шудесь панжи паксятнень эзга, вишкста лийсь валда ошненди, кепсесь вярй, вярй...



СНИМКАСА: Саранск ошень ДТС-нь юнай натуралисттне Ёрофеев Колясь (кяржи ширеса) и Перуников Володясь ванондхть лупань пачк кутюнят.

Фотось Сидорочевть

СТАЛИНТИ

Шиське монь лангозон
 Пейдезне ванць,
 Сёрмады кядезти
 Нолнесь лучат.
 Эх, и мон кельгса
 Шить золотань валдонц.
 Седизе радости
 Мяштьсон стукась.
 Кефкие киза мон
 Эрянь нужаса,
 Попонь молитватне
 Седизень порсть.
 Тяни мон сёрмадан
 Панчфнень кучкаса,
 Сёрмадан радостнай
 Мокшень од морхт.
 Сёрмадан паксятнень,

Ляйхнень и вирьхнень,
 Конат трудяйхненди
 Вечна ни максфт.
 Сёрмадан тяниень
 Радостнай стирьхнень,
 Сталинская садса
 Синь мархтон
 Монь кассть.
 Лиеда, валне,
 Тинь кинте аф пирыф,
 Азода Сталинти
 Кельгома вал!
 Тись сон трудяйхненди
 Павазу эряф,
 Дуцятнень фталда
 Сон штафтозе валдть.

Джамбулти

Акшенят панчфкятне
 Марьюфнень пряса,
 Сянгаре рощаста
 Нармоннясь сась.
 Шобдавань зарять сон
 Морсекшни тяса,
 Морасы радостнай
 Мази тундять.
 Тяфта, Джамбул, тон
 Советский странаса
 Морсесак Сталинский
 Мудрай законть.

Эрясак векцень
 Почетнай праваса,
 Ленинонь ордена
 Казедязь тонь.
 Шиське тонь казнецти
 Йорай лучаса,
 Кельгомга валдопни
 Павазу мирть.
 Радостна морсят, тон
 Сталинонь садса,
 Морасак Сталинть—
 Великай батырть.





Шовдава

Зарясь кармась олама,
Валдомкшни востоксь;
Шинясь лучень ёряма
Кармась модать бокс.
Чофксне морайхть шовдавать,
Гайняфтсть панжи садть.
Кожфкясь палси мазы стирть
Якстерь щека прянц,
Конац моли эшити
Ведня канды шамс.

Шинясь ваны стирнять лангс,
Ерай сон шумбрамс.
Вирнясь кармась жойняма,
Шерьфни пиже прянц.
Кожфкясь пиже паксяти
Вирьста морнят кандсь.
Шинять сарду лученза
Эждема кундасть.
Шинясь тейнек лездема
Пеедезня сась.

И. Девин.

Сиде моронят

Брадозе весёлай цьорась,
Стахановец—тракторист.
Тяни армияв сон тусь,—
Ули цебярь сон танкист.

* * *

Армияса милказе
Границатнень ванцыне.

Сон войнань кровястихнень
Яду куйкс люпштасыне.

* * *

Вай, ялганяй, морака,
Мархтот монга моран.
Тядде Якстерь Армияв
Пара мяльса молян.

1938 к.





Мазы саттненди
 Прокс тундась ни сась,
 Марьюфне садса
 Панчфонь шамнят щась.
 Тяса пяк пара
 Тунда ащемась,
 Иттненди пара
 Тяса налхксемась.
 Саду пяк кельгсы
 Ванясь якаманц,
 Тяса ласькондезь
 Пингть ётафнеманц.
 Сон наряжафке,
 Садга ласьконди,
 Пара мяльняса
 Корхни марлюти:
 „Монга панжендан,
 Марлю, лацот тонь,
 Сяс мес Родинась
 Кельгсамань пяк монь“.



Пиже лугаса
Касыхть цяцянят,
Мазыхть панчфкасна,
Синь пяк весялат.
Велькссост синь шинясь
Лученят йорай,
Чофкскятне ёткост
Морняснон морайхть.
Тяфта Сталин шись
Лучса Кремляста
Иттнень эжнесынь
Панжи странаса.
Сяс и синь мазыхть,
Кода цяцянят,
Вишкста пяк касыхть
И кельгсазь странать.



Кели вальмязень мон панчса—
Лаймось вальмалон нюрй,
Ловда акша панчфнень кожфкясь
Эше кядьса сюдерйй.
Вальмять эзга кожфкясь канды
Куду панчфонь шиненят.

Кенереме кармась ландышсь.
Акша ожнань, мярьгат, пряц.
Ару кожфса ваймая прязе
Мянь сентябрь ковнять самс.
Валом шерьхки лаймонязе—
Ерай вальмава сувамс.

В. Лобанов

Сиде моронят

Большевиконь партиясь
Панчсь трудяйти кели ки,
Мудрай Сталин вожденьке
Валдоптомазь, кода ши.

* * *

Мака панчфокс панжи странась,
Панжи большевиконь родсь.
Ётась лама кизот, кода
Шовдать эзда лиссь народсь.

* * *

Масторть эзга келес срады
Колхозниконь морозе.
Славнай командиркс служай
Кельгом Миша цёразе.

* * *

Миша цёразе кучсь сёрма.
Радостенц мондейне азсь,
Боевой заслуганкса
Якстерь Знамянь орден казсть.


Содасак ли тон?

* Индийскый океанца волнатнень сересна пачкотькшни 15 метрас, илякс мярьгомс колма этажса кудонь серес.

* Срахманць — тя оцю бедствия. Мзярда лувозь, мзяра сон тиенди вредта, то содазь, што эрь кизоня сембе странатнень эзга срахманць тапси 400 миллиот цалковайнь питне урожай.

* Японскый акулать икранияц кафксть оцю страусть алонц коряс, а страусть алоц мирса сембодонь оцю нармонень алсь.

* Комнатнай каруть эзда микроскопонь пачк муф 6 миллиотт бактерия.



СНИМКАСА: Саранск ошень 12-це № школаса ученикне (кяржи ширде види шири) Мехников Анатолий, Простина Мария и Ерофеев Коля аноклайхть кормушка лямбе ширде саф нармонтненди.

Фотось Сидорочеть.

СЪОРМАТФТОДА „ЯКСТЕРЬ ГАЛСТУК“

Пионеронь и школьниконь журналть лангс. Журналть нолдайнза: ВЛКСМ-нь Мордовский обкомсь и МАССР-нь НКП-сь. Журналсь лисенди ковти весть. Подпискаться примосесазь сембе письмоносецне, почтовой отделениятне.

Питнец: 1 кизос 2 ц. 40 т.
6 ковс. 1 ц. 20 тр.
3 ковс. — 60 тр.

Редакциять адресоц:
Саранск, Советская, Дом печати.

„Якстерь галстук“
